

林師之謚為文孝公祀鄉賢

上官陞端良孝友待諸侄恩義兼至歷官念餘
年公忠不阿至于忼慨樂施賑救人緩急有麥
舟之風焉祀鄉賢

崔允升守西安時值賀正亂悉力守禦獲秦虜
功居官永藁矢志秦州民有兄弟爭產以萬金
囑者公厲色部之從容諭以天倫兄弟悉感泣
如初事母盡孝謝政家居不異韋素惟以文行
課子鄉人士示之

翼乘卷之十一

獻徵部三

士行志

論曰今之孝者多割膚廬冢事古道弗取也然
勝於樵蘇不禁藥餌不啻者矣諸子皆至性自
心以吾身為終不以父母之身為終者也其他
捐粟而來天子之褒敢言而蘇百姓之苦鳩
衆而撼北虜之侵此其行誼孳孳大者亦志以
風世

孝行者五人

劉元真下陽里人鄉賢劉平之子平卒哀毀踰禮既塋廬墓三年至群鳥馴擾異草叢生瓜蒂開連之應永樂二十二年有司上其事詔旌其門閭

張恕白馬里人以貢知懷慶府事居母喪哀毀踰禮又暫一節既塋廬墓三年親負土築塋鄭威李順里人以貢任山東按察知事性至孝父喪寢苫枕塊廬墓三年

張瑤澮水北人為諸生家世貧乏孝出天性方母獲疾湯藥親嘗不懈及母述悲號幾絕而復蘇同父寢於草苫左右供養塋母像於廬舍朝夕拜奠以追其恩里社咸推重之萬曆六年詔旌其門曰孝行

吉昂石橋里人孝友與人無競父鸞早卒昂甫七歲家甚貧母梁再贅楊姓者生子女二人欲異居他所昂泣留不能止性敏慧通陰陽學凡婚喪營構者多往卜之其所得果饌雖夜半必

先奉其母後以所餘遺妻子鄰里多感嘆之

義行者十人

薛從周李村里人韓登神吳里人胡志剛東唐

里人三人俱以捐粟有勅命勅曰國家施仁

養民為首爾能出穀麥一千五十石用助賑濟

有司以聞朕用嘉之今建人齋勅往諭勞以

羊酒旌為義民仍免本戶雜役三年尚兄蹈忠

厚表勵鄉俗用副褒嘉之意欽哉故勅正統四

年二月十二日也

楊鳳字九韶員外郎汝江之從祖也孝友慈愛

遇人渾朴好讀書聚書數千卷通醫術常畜善

藥以濟人每見貧死不能塋者必助以棺弘治

庚戌歲饑鳳出銀若干以賑貧乏人多賴焉得

例授一官邑侯馬張諸公咸高其行禮待甚厚

陳璠字克璋址闕廟人累世積德不尚浮薄正

德兩子客河東運司客有符姓者被同商盜三

百金符覓弗得欲不生璠憫之以已貲如數付

之誓不償益愧感潛以其銀直他所符得之復

迂琮貫琮遜無德色當道聞而禮之諸生王才
貧不能塋琮給米若干俾襄其事聞喜東鎮路
通河東阻隘難行琮捐五十金付土人脩橋往
來稱便其仗義類如此

張讓桓壁村人勤儉起家性好施與凡有亡民
宴客過其門無衣食者率賙濟之嘉靖四年開
州王郡公修建高河橋讓出銀五十兩以助費
王公義而嘉之勞以羊酒

陳瀚字良美晉藩引禮家賞累萬然謙挹未嘗

自矜性好施人有困乏不給者每出貲以助之
又北虜南侵人情洶洶懼不能衛瀚獨出銀若
千修築關城用為保障巡撫遂寧陳公聞之
分巡河東道以禮獎勵額其門曰尚義

譚繼宗咸寧里人邑中代辦他邑差錢甚為民
累繼宗等詣

奏請

常逮東王里人嘉靖十一年歲饑逮出粟八百
石賑濟撫按建坊旌之

常一清澹史北里人庠學生後以年衰授儒官

性甚樂易居家孝友弟甚不檢負人錢不能償
清以已產易錢還之或謂其愚清曰負人錢財
而弗償不義生視弟辱不仁不仁不義何以為
人謂者愧服邑人劉志撰善士傳

張紹唐城坊人稟性醇篤孝友性生仗義好施
與物無競鄉里稱為善人嘉靖七年巡按御史
三原楊公聞而嘉之檄縣榜其名於旌善亭

安定國等邑東山邪教

之餘党也先是

明季有西來倡邪說者號為哈哈教主盤據東
山毗梁寨煽惑愚民至順治元年有往日衆邑
令趙昉請兵攻勦擒獲無算定國率餘党數千
嘯聚東山擄掠鄉村後雖就撫怙惡弗悛至順
治十一年邑令胡獻珪密計就擒殲其餘党一
境始平

異乘卷之十一

獻徵部四

列女志

論曰婦人女子目不知詩書而孤立一意屹屹如砥柱然洪流撼之不動彼褻衣博帶備爾鬢眉男子而富貴淫之負賤移之威武奪之尚不比於施朱媿白之輩安在其為丈夫哉

戴氏石鄭庄里楊鵠妻年二十五歲夫喪子網幼育于成孫汝盈未及一周網亦故撫恤視網

有孀居五十餘年無玷縣令上其事旌表
張氏剪桐坊人生負牛琮妻年十九夫已子女
無所出父因其幼欲令他適張乃痛積悲號誓
不再醮茹苦含辛勤事紡績孝養舅姑俱以壽
終孀居四十餘年貞靜之懿有如一曰有司上
其事旌表

吳氏閭村北里曹銳妻年十七銳已子智方生
八月吳撫育成立誓不再嫁力農勤績用保家
業至八十一歲日嚴正雖對子姪未嘗見其笑

容鄉人多稱贊之

梁氏石橋里史驥妻年二十驥卒子德完甫二
歲梁撫育及成誓不再醮孀居五十餘年貞潔
無玷族里咸敬重之

張氏剪桐坊郭維妻年十九維亡張以母者子
幼誓不再嫁撫子都成立孀居六十年凜如也

馬氏通判張憲妻憲卒於官時高年二十餘扶
柩還家撫子有成苦節三十餘年貧無怨言

郝氏件級里王栢妻也栢亡遺子煥亦夫或有

勸之再嫁者郝怒曰是何言夫亡吾不欲生可
再嫁乎紡績為生辛勞萬狀事其姑李氏甚勤
順侍諸姪如已子交年七十餘人共憐慕之
周氏與賢坊李鵠妻鵠亡上無舅姑下無期功
之親誓不他適孀居四十年屢為饑寒所困不
改操焉

聶氏石橋里庠生周謚妾適謚二載謚一卅年
十九誓節自守三十餘年清操如一

王氏合雲里續璚妻也年二十璚亡撫三子孝

舅姑謹飭無玷年八十直指蘇顏其門曰貞節

史氏西張里人庠生趙遷妻也遷逝史年二十

一鞠育遺孤誓不再醮姑病疽史朝夕澣垢不

怠年踰六十直指李楊胡三公表曰貞節

郭氏同穎坊郝鎰妻年十九鎰卒誓不他適遺

子緯方二歲撫以成立二十餘年邑侯羅旌之

杜氏同穎坊庠生閔永安妻安卒守節撫子成

立邑侯單旌之

陳氏石鄭庄里庠生楊汝滄妻滄故守節不變

直指楊旌之

蘇氏北唐里杜志在妻夫沒年二十一歲誓願不嫁撫孤應時成立督學旌之

楊氏高村里庠生符節妻父節亡楊年十九子女無所出其男鄉舉符應時先逝遺祖姑衰老家日窘楊躬勸紡織養祖姑不少懈備極辛苦年七十七人共仰之

常氏北開廂李乾妻乾亡常氏年十六誓節不嫁撫育男桂聚婦楊氏桂亦卒楊氏年二十持

刀欲自刎遂斷一指哀毀絕食姑婦相繼亡奉旨旌表

賴氏南常里張翰翼妻翼故哀毀不食誓以身殉遂自縊直指題請旌表

袁氏同潁坊李君魯之妻魯卒氏年僅十八歲無子矢志守節本縣月給布米直指題請建坊旌表

高氏同潁坊生員袁守泰妻泰卒栢舟自誓訓子宗顯登萬曆乙卯賢書年踰大耋直指題

請建坊旌表

張氏剪桐坊生員劉璜妻夫亡子名士亦逝
同媳常氏勵節苦守艱難備堂訓孫湛登明崇

禎丙子賢書直指余題請建坊旌表

張氏南河下李交智妻夫亡子未週歲誓守
貞節躬歷貧富不火渝人共稱之

陳氏南河下李檀妻夫卒氏年二十二歲事
姑孝謹遺子先光方週歲朝夕訓建由國學歷
任汶上縣主簿成山衛經歷守第六十餘年艱

辛備堂院道歲給粟帛直指李題請建坊旌表

董氏賀水里衛天元妻孝廉三俊祖母也夫
卒氏年二十八歲孀居五十餘年撫七歲幼孤
衛主行著鄉党孫登賢書年躋八里稱完節

呂氏東王村廩生常君用妻用卒孀居三十
餘歲事翁姑以孝聞立族子啟胤為嗣昕夕訓
迪啟胤中明萬曆丙午解元直指公以節義文

章萃于一門疏奏建坊旌之後啟胤故妻陳氏
年僅十九歲立嗣子拱辰四十餘年與姑同以

完節終一門貞潔如此

趙氏同穎坊袁奪錦妻夫卒年二十一歲與繼姑侯氏茹荼飲藥撫養遺孤哀夢鯢後鯢又逝復與媳李氏育誨幼孫

備嘗辛苦三世

孀居終始不受人共難之

陳氏剪桐坊劉聲宏妻夫卒氏年二十歲守節撫孤躬勤紡織值寇亂被掠氏遂從容投水以全其節衆稱其烈

侯氏南河下太學生李誦妻誦卒子生員

森繼逝氏與媳袁氏守節孀居家雖殷富不事華麗撫育幼孫際太督學旌其門曰双節垂芳

劉氏平陽里舉人薛天培妻培卒氏年僅十七歲無子屢欲相殉其姑力勸遂垢面織絰矢志弗渝立族子以嗣守節五十餘年人無間言邑令累扁其門督學旌之

張氏南常里宋應薦妻夫卒氏年僅十七歲撫育遺孤誓不改節子一桂先逝訓長孫友濂順治甲午恩拔國學次孫友湄並有文名年踰

八十自持嚴正督學累旌其門

李氏南豐里盧春魁妻夫病故三日不食極
前自縊縣扁旌之

李氏邑庠士崔鳳鳴妻副使崔允升之母也
幼孀三十餘年訓子成進士居官吏治一以廉
慈勉之所在多惠政焉

周氏同諱坊生員燕氏里妻夫卒氏年

歲守節訓子年踰八旬學使皆表其門曰冰
節稱堅

楊氏西張里任登第妻夫卒氏年僅十八歲
撫育遺腹子三德成立歷艱弗渝壽登人堇直
指題請建坊旌表

范氏唐城坊張崇德妻德率氏孀居三十載
艱苦備嘗訓子鳳起登順治乙未進士里稱巾

櫛丈夫

李氏羅承德妻德卒無子孀居五十年紡織
為生貞操弗渝

王氏賀水里生員衛肇祚妻肇祚卒氏孀居

四十年苦節自甘

秦氏賢宣里樊天佑妻守節五十年賣藥為生勁節不變

楊氏平陽里薛來貢妻貢卒氏年二十二歲守節三十餘年栢舟自誓教子士駿為邑知名士督學孫旌其門曰姜嫄孟訓

祁氏賢宣里生員上官慎妻守節二十餘年諸艱畢嘗鄉里賢之

孔氏同石里李曰鵬妻鵬卒誓不改節三十

餘年蔡霍不亢鳳志稱篤悃情之所難者

呂氏興賢坊孝廉賈學路妻年三十七歲夫亡守節撫孤後二載孤亡氏隨自縊立侄曰可以嗣邑侯孫公表其門曰從一而終後邑侯李公聞而旌之曰抗志殉夫

楊氏南廟周化成妻夫故年一十八歲志願投環以殉未遂至今年逾五旬紡織孝姑不輕言笑足堪維風

李氏北關生員陳文焜妻年二十六而寡哀毀

絕粒誓以身殉舅姑引譬大義始勉哺藐孤迄
今七十餘歲其子經綸列弟子員孫長辰箴入
贊序仲履銘登賢書崇禎十五年直指汪公疏
請給扁旌旌其節
戴氏南廟村高節之妻夫故氏年二十一歲失
志貞守後聞學臺南傳呂宗師俱扁其門按臺
歷給布粟氏紡織教子宗舜入泮年八十餘終
呂氏東上衛王化仕妻仕故呂年二十一歲失
志撫孤誓不亡遠賢季李公旌其門曰貞節

翼乘

獻徵部

忠烈志

史稱忠臣烈士如柱厲叔滅肝貽輦千載而下
義氣猶凜凜焉何其壯也每惟選懦庸弁居恒
則談激雲霄臨敵則形同首鼠况于戢守不閑
而能馳驅戎馬之間橫戈大敵之衝奮不顧身
庇及民

社者乎何將軍諸人其弗可及也已

何斯盛字際韶陝西鎮番衛人邑令斯美胞弟也
順治六年省兄至翼七月寇數萬攻圍城下時平陽諸邑俱亂公率親丁並義士郝吉祥王
等晝夜捍禦戰守互用城守無恙後以大寇自東掩至公同吉祥等疾馳臨陣殲數十賊
因乏援兵與吉祥等俱遇害臨終罵賊不屈邑人為廟祀之有石記

風今壽登九旬康健異常母子孫曾一堂四世
邑侯鄭公表其閭曰姜仁陶祉為之作傳載藝文志

異乘堯之十一

獻徵部五

隱逸志

論曰侯生以俠隱者也河上翁以術隱者也明
杜駿以學隱者也余因論侯生之事方其與公
子聯轡而過屠門入朱亥之廬彼豈不知公子
能下士而姑試之哉欲公子知有亥耳公子不
問侯生亦不言及事迫而勢不得不不用朱亥侯
生乃言有吾客在則朱亥者乃侯生之客非信

陵之客也侯生以死激之所以送朱亥非以送
信陵也此千古未破之公案也於乎惟大猷乃
能大隱夷門監者豈可與立壑栢竊之士同乎
哉

周侯嬴晉侯綰之後也故以侯為姓史記曰魏
有隱士曰侯嬴年七十家貧為大梁夷門監者
信陵公子聞之往請欲厚遺之不肖受曰臣脩
身潔行數十年終不以監門困歿而受公子財
公子於是乃置酒大會賓客坐定公子從車騎

盧左自迎夷門侯生侯生攝弊衣冠直上載公
子上坐不讓欲以觀公子公子執轡愈恭侯生
又謂公子曰臣有客在市屠中願枉車騎過之
公子引車入市侯生下見其客朱亥脾脫故久
立與其客語微察公子公子顏色愈和當是時
魏將相宗室賓客滿堂待公子舉酒市人皆觀
公子執轡從騎皆竊罵侯生侯生視公子色終
不變乃謝客就車至家公子引侯生坐上坐偏
贊賓客賓客皆驚酒酣公子起為壽侯生前侯

生因謂公子曰今日羸之為公子亦足矣羸乃夷門抱關者也而公子親枉車騎自迎羸于衆人廣坐之中不宜有所過今公子故過之然羸欲就公子之名故又立公子車騎市中過客以觀公子公子愈恭市人皆以羸為小人而以公子為長者能下士也於是罷酒侯生遂為上客侯生又謂公子曰臣所過屠者朱亥此子賢者世莫能知故隱屠間耳公子往數請之朱亥故不復謝公子怪之魏安釐王二十年秦昭王已

破趙長平軍又進兵圍邯鄲公子姊為趙平原君夫人數遺魏王及公子書請救於魏魏王使將軍晉鄙將十萬衆救趙秦王使使者謂魏王曰吾攻趙旦暮且下而諸侯敢救者已後趙必移兵先擊之魏王恐使人止晉鄙軍壁鄴名為救趙陰持兩端以觀望平原君使者冠蓋相屬於魏讓魏公子公子患之數請魏王魏王畏秦終不聽公子公子自度終不能得之于王計不獨生而令趙亡乃請賓客約車騎百餘乘欲

以客往赴秦軍與趙俱死行過夷門見侯生具告所以欲死秦軍狀辭決而行侯生曰公子好勉之矣老臣不能從公子行數里心不快曰吾所以待侯生者備矣天下莫不聞今吾且死而侯生曾無一言送我我豈有所失哉復引車還問侯生侯生笑曰臣固知公子之還也公子喜士名聞天下今有亂無他端而欲赴秦軍譬若以內投餒虎何功之有哉尚安事客公子再拜固問侯生乃屏人間語曰嬴聞晉鄙之兵符當

在王卧内而如姬竄幸出入王卧内力能竊之嬴聞如姬父爲人所殺欲求報其父仇莫能得公子使客斬其仇頭進如姬如姬之欲爲公子死無所辭顧未有路耳公子誠一開口請如姬如姬必許諾則得虎符奪晉鄙軍北救趙而西却秦此五霸之功也公子從其計請如姬如姬果盜晉鄙兵符與公子公子行侯生曰將在外主令有所不受以便國家公子即合符而晉鄙不受公子兵而復請之事必危矣臣客屠者朱

亥可與俱此人力士晉鄙聽大善不聽可使擊之于是公子請朱亥朱亥笑曰臣乃市井鼓刀屠者而公子親數存之所以不報謝者以為小禮無所用今公子有急此乃臣效命之秋也遂與公子俱公子過謝侯生侯生曰臣雖不能從請數公子行日以至晉鄙軍之日北向自剄以送公子公子遂行至邲橋魏王令代晉鄙晉鄙果合符疑之欲無聽朱亥袖四十斤鐵椎椎殺晉鄙公子遂將晉鄙兵得還兵八萬進兵擊秦軍秦軍解去遂救邯鄲存趙趙王及平原君自迎公子于界公子至軍侯生果北鄉自剄漢河上丈人不知何國人明老子之術自匿姓名居河之湄故世號曰河上丈人傳業于安期生為道家之宗著老子章句後以傳漢文帝明杜駿者進士芳之孫也幼業儒後河津薛文清公講受太極老而彌篤弘治間督學使王鴻儒延諸問體用一原顯微無間之旨以隱居稱之

翼乘卷之十一

獻徵部六

僑寓志

論曰余觀諸君子惟續鴈門以官守至餘皆以
避世至者也天地閉賢人隱輕去其鄉而長子
孫不及顧先人墳墓甚者狎狂行自縊死而不
悔悲哉可以觀世矣

唐李餘福京兆人叅政昭德之孫為唐監察
御史適丁唐末致仕闕居昭宗乾寧四年有相

者過門曰君胡不避地東遷因出示一瓢曰君行曳其後瓢破處穴城卜居東北一里許立墳可延後嗣餘福受瓢禮謝遂挈家東行至晉地越陵山東紫胡口瓢破因詢其地父老云東南曰翼城唐叔始封之都也西北曰壽城鄭太子分封之域也餘福驚喜遂卜地焉其後元弼明經中選知曲沃縣事

楊琮鴈門人唐昭宗天佑中為大司空以唐末兵起遂卜地於翼石鄭庄其後子孫楊璘輩累

代顯貴

續贊鴈門人唐儀鳳中以勞調州倅遂家焉其後續榮為元忠武校尉子世安總管天下軍年續旻其裔孫也

元李炳奎山東堂邑人元至正戊子進士為翰林國史編修元末避兵於翼元亡遂家焉洪武三年縣丞薛天昉延之國中授弟子室以傳其學

張從諫浙江寧波人元學士元亡遂遠遁伴狂

乞於翼市後以詩贈學諭學諭憐其寒令諸生
遺之以布從諫曰何相輕如此古之却衣而斃
者何人哉遂索詩反其布卒葬漏澤園噫如
老臣危素者不當愧死耶和州之貶與漏澤
之瘞孰為賢也